

敘州府志卷二

建置

魚蠶開國肇基皇古秦始置郡漢析其宇分巴自高  
割蜀由武陵谷易遷因革難數表茲崕略千載如觀  
述建置第二

敘州府

禹貢梁州之域秦為西南夷地漢建元六年置犍為

郡屬益州

常璩華陽國志郡初治盤縣元光五年移治南廣孝昭元年郡治犍道按李吉甫

元和郡縣志謂昭帝時後漢為犍為郡地郡移治武陽自犍道移理武陽誤

州三國漢至晉宋因之蕭齊復為犍為郡治見宋齊州郡志

敘州府志卷二

建置

本府

而元和志作李雄竊據此地空廢不同梁大同十年置戎州隋大業初

復改州為犍為郡唐武德元年復曰戎州補注移治南溪貞

觀四年置都督府補注治還犍道天寶元年改南溪郡乾元

元年復為戎州屬劍南道補注長慶中復治南溪會昌二年復還犍道五

代屬蜀宋政和四年改曰敘州祝穆方輿勝覽作紹聖四年改與宋志不

同屬潼川府路元至元十八年升為敘州路並立敘

南等處蠻夷宣撫司洪武六年改為敘州府屬四川

布政使司

皇朝因之屬四川省雍正五年以馬湖府省入領縣十一

宜賓慶符富順南溪長甯高筠連珙興文隆昌屏山



廳二馬邊雷波志通

府地當禹貢梁州南裔考 禹貢錐指梁州下以今輿地言之陝西漢中府興安州及西安府之商州洛南山陽鎮安商南鞏昌府之鳳縣兩當徽州成縣階州文縣湖廣鄖陽府之房縣竹山竹溪及鄖西縣之西境四川則成都保甯順慶龍安馬湖潼川嘉定邛眉雅州及敘州瀘州重慶夔州之江北諸州縣松潘衛疊溪營天全六番招討司黎大所建昌衛皆古梁州域也其遵義府永甯衛及東川烏蒙鎮雄三府並在瀘水之外雲南郡唐於昆

敘州府志

卷二

建置

二

本府

明之弄棟川置卽今姚安府其非梁域又不待言矣又云梁南自宜賓以西至會川諸州縣凡在瀘水馬湖江之北者皆梁域宜賓以東至巫山諸州縣凡在大江之北者皆梁域蓋大江旣合瀘水亦得互受通稱故隋改江陽縣曰瀘州置瀘州治焉其縣南大江寰宇記謂之瀘江瀘水卽黑水則梁左之南鄙亦當以此水表界也或曰梁州之水莫大於江經曷不界以江曰江自岷山導源大勢皆南行至敘州始折而東苟界以江則江右之地悉遺之域外矣故言黑水可以見左界而言江則不



可以該右界也

按梁州黑水胡氏指爲金沙江此誠定論但禹貢以此水表州不過大界如是非謂梁州之域卽不能越江而南有一步地如楚漢鴻溝之劃也胡氏乃定自宜賓以西凡在金沙江之南宜賓以東凡在大江之南者皆非梁境似涉臆斷遵義鄭珍駁之是矣竊謂梁州疆域自當以常志所列郡縣爲限其書稱華陽者以晉代梁益甯三州皆禹貢梁州之域故取名焉以今輿地論則四川及雲貴大半省并陝西漢中迤南之

敘州府志

卷二

建置

三

本府

境皆是敘州十三屬地所當漢縣在常志犍爲江陽越雋朱提南廣郡中其爲梁南之域可知如第以金沙江及大江爲界則不特敘南六縣在金沙江之南者不得爲梁域卽江北諸廳縣亦不盡在梁域矣况其他乎以地勢度之可決其不然也

漢置犍爲郡年歲考

漢書地理志犍爲郡武帝

建元六年開

華陽國志同

通鑑綱目漢武帝元光五年

通西南夷置犍爲郡

按犍爲郡之置漢書及常志皆云武帝建元六



年鄭氏遵義府志獨據通鑑輯覽以爲元光五年其年紀類云唐蒙以建元六年使南越又歸至長安乃上書說上乃以爲中郎將蒙又約夜郎還報乃置犍爲必非一二年事愈知犍爲之置必在元光四五年之冬春間矣此說亦似近理及證以常志而知其說之不足據也信如所云元光五年始置郡必不能遽移郡治豈常志所云元光五年郡移治南廣亦不足信乎且卽以本志證之其營縣問答亦云自建元六年置郡經六年至元光五年卽移郡治北至南廣營縣之地遂若棄若存是仍沿常志之說卽前後相矛盾矣舍漢志不從而曲附通鑑之誤是亦千慮之一失也今從漢志

### 宜賓縣

古西南夷犍侯國漢武帝開置犍道縣爲犍爲郡治後漢屬犍爲郡晉宋因之蕭齊復爲郡治梁爲戎州治周保定三年改曰外江隋大業初復曰犍道爲犍爲郡治唐爲戎州治宋熙甯四年省宜賓鎮入犍道政和四年改犍道曰宜賓名勝記唐之義賓縣也取慕義來賓之義後避諱改爲敘州治元爲敘州路治明爲敘州府治義爲宜

## 敘州府志

### 卷二

建置

### 四

本府宜賓



皇朝因之節通志及方輿紀要

棘道縣考

按棘道應劭曰故棘侯國路史國名紀以為商氏侯伯之國是也許氏說文棘下曰犍為蠻夷蓋據漢縣而言禮王制西方曰棘鄭注謂棘當為棘棘之言偏使之偏於夷狄也近俞氏樾羣經評義謂棘訓急自有偏義無待改從棘水經江水篇注棘夷中最仁有人道按人道水經注引地理風俗記不誤故字從人則棘無偏義蓋經文本作棘鄭氏恐人以蠻夷說之故說其義如此是西

敘州府志

卷二

建置

五

宜賓

方之棘與棘夷無涉史漢西南夷傳言諸夷君長不及棘侯其非大國可知常志言棘道在南安東四百里南安縣為今嘉定府境由嘉定以東則宜賓正當棘道縣地由宜賓以西至屏山馬邊東境由宜賓以南至慶符北境由宜賓江北界合南溪縣境皆故棘道地其宜賓西北乃郁鄆縣地也舊謂慶符為漢陽縣地今考南廣水入江處在慶符之北距宜賓十五里即漢志所謂符黑水北至棘道入江處也然則慶符北境皆棘道縣地其南境乃漢陽縣地又通志慶



符古蹟有夔道廢縣云漢置卽今縣治考常志  
夔道治馬湖江會卽西漢舊治今爲宜賓縣治  
慶符之廢縣必南齊以後所置非漢縣故治也  
地理韻編夔道下自漢迄隋縣皆云在宜賓縣  
西南殊欠分曉

郁郛縣考

新唐書地理志義賓本郁郛天寶元

年更名又省撫夷縣入焉元和志義賓縣東南至  
戎州一百六十里本漢南安縣地方輿紀要郁郛  
廢縣下漢縣屬犍爲郡後漢省諸葛武侯南征置  
郁郛成晉曰郁郛縣改屬建甯郡宋齊因之梁廢

敘州府志

卷二

建置

六

宜賓

隋大業中復置屬犍爲郡唐武德二年省三年復  
置屬戎州天寶初改爲義賓縣宋初因之太平興  
國初避諱改曰宜賓  
按此時又分置宣化縣  
熙甯四年省爲  
宜賓鎮志云今在府西北百六十里有郁郛灘疑  
近舊縣治

按郁郛及南安夔道皆漢犍爲郡屬縣以今輿  
地考之自犍爲縣以上至嘉定府皆南安地自  
宜賓藤溪以下至南溪東境皆夔道地郁郛故  
地在犍爲宜賓兩縣間其東界當宜賓江北之  
宣化鄉

宣化故縣從  
郁郛縣分出

西界與屏山馬邊接北跨



夷地自漢以來或廢或省本不常置方輿紀要  
言武侯南征置郁郆戍蓋武侯由安上縣入越  
雋吳白華謂安上在今黃螂馬邊夷界其至安  
上必由郁郆故武侯於此置戍也唐之義賓本  
郁郆縣故元和志及舊唐書謂義賓本漢南安  
縣地皆誤通志敘州府山川存水下引水經存  
水出犍爲郁郆縣又言府西北百六十里有郁  
郆灘縣志是直謂存水爲自府境入江之水則  
大謬矣水經存水篇曰存水出犍爲郁郆縣東  
南至鬱林定周縣爲周水又東北至潭中入於  
潭遵義鄭氏謂水經此文譌誤當作存水出牂  
柯無斂縣詳水道考是存水與郁郆迥不相涉  
作志者誤採之也

朱提縣 通志據縣志漢舊縣在朱提山下置與  
廢無考

按南齊書地理志甯州有二朱提郡地理韻編  
謂南朱提郡縣在敘州府宜賓縣西南又謂東  
朱提郡及北朱提郡皆在敘州府境縣志所謂  
舊縣必此時所置者斷非漢故縣也詳後朱提  
縣考



開邊縣 隋書地理志開邊縣開皇六年置七年廢訓州入焉大業初廢恭州協州入焉元和志縣東北至戎州六十五里本漢棘道縣地新唐書地理志貞觀四年以石門開邊朱提三縣置南通州五年析鹽泉縣以隸之八年曰賢州是年州廢以石門朱提鹽泉置撫夷縣及開邊隸戎州自縣南七十里至曲州又四百八十里至石門鎮隋開皇五年率益漢二州兵所開宋史地理志乾德中廢開邊縣寰宇記廢縣在馬湖朱提兩江口舊通志在府西南六十里今爲開邊鄉

敘州府志

卷二

建置

八

宜賓

按開邊鄉今改安邊鄉其西爲雲南境其南爲慶符縣境

殷州

新唐書地理志殷州咸亨三年析昆明部

置後廢開元十五年分戎州復置後又廢貞元二年節度使韋皋表復置故南漢之境也縣五殷川東公龍原韋川賓川初與敦州皆隸戎州都督府後來屬黔州都督府寰宇記商州是獠在戎州西北二百九十三里方輿紀要夔蠻西有昆明蠻亦曰昆彌蠻以西洱河爲境卽葉榆河也去長安九千里後移於戎州境內殷州在戎州之西北通志



引府志宋商州卽唐殷州蓋避諱改殷爲商也

按今宜賓縣西北有商州汛商州山卽故殷州地又通志中每引府志當卽前明周文安公所撰康熙間何志太略仍各屬分志也周志久佚何志今亦殘缺

歸順縣 [新唐書地理志] 歸順聖歷二年析郁郆縣地以生獠戶置 [元和志] 在開邊縣北一百三十里野客川上貞元元年以獠叛廢永泰二年復置 [宋史地理志] 乾德中廢歸順縣 [寰宇記] 在州西北三十里

敘州府志

卷二

建置

九

宜賓

按方輿記要謂歸順廢縣在慶符縣北四十里誤

宣化縣 [宋史地理志] 宣化唐義賓縣太平興國元年改熙甯四年改爲鎮隸棘道宣和四年復以鎮爲縣改今名 [吳船錄] 從犍爲百二十里至宣化縣又百二十里至敘州 [元史地理志] 宣化下 [元貞二年] 於本縣置萬戶府領軍屯田四千餘頃 [方輿紀要] 今爲宣化驛 [舊通志] 明初省縣今爲宣化鎮 按今宜賓縣東北八十里有宣化鄉分爲宣上宣中宣下卽故宣化縣地



慶符縣

漢置漢陽縣屬犍為郡為都尉治後漢永初元年改屬犍為屬國蜀漢屬朱提郡晉宋因之齊屬南朱提郡後廢節方輿紀要唐為開邊縣地宋乾德中廢開邊志政和三年置祥州及慶符來附二縣宣和三年州廢省來附入慶符縣屬敘州路明屬敘州府

皇朝因之節通志

按通志原文曰三國漢嘗置漢陽郡尋罷又漢陽廢縣下引法正子逸官至漢陽太守皆誤考段玉

敘州府志卷二

建置

十一

慶符

裁富順縣志曰三國志注法正子逸官至漢陽太守蓋江陽郡治在前漢漢陽縣地故江陽太守亦稱漢陽太守實未嘗置郡也今更正

漢陽縣考

按通志沿革以慶符與文當故漢陽縣地長甯兼漢陽江陽地其古蹟載漢陽廢縣在慶符縣南據縣東有漢陽山漢陽壩為證自非臆測但長甯既兼江陽地以符黑水入江證之慶符北境又屬犍道僅興文一縣占漢陽縣地最多然建武一角猶兼江陽地恐漢陽不如是之狹也



考漢志南廣下注曰都尉治段玉裁富順縣志以爲俗本漢書奪去枝江二字以常志云江陽郡本犍爲枝江都尉東漢改漢陽爲漢安建安十八年置江陽郡以都尉成存爲太守蓋以都尉治爲郡治故郡治卽在漢安也考漢志南郡有枝江縣以荊州沱水得名江陽爲東別之水入江處亦宜有枝江之目但不知都尉置自何時據常志似江陽本都尉治故置郡後仍治江陽如段說則常志漢安下當云本犍爲枝江都尉治方與地志合不當注於江陽郡下矣竊謂

敘州府志

卷二

建置

十一

慶符

前漢漢陽當爲犍爲南部都尉治故班氏有此注後漢志犍爲屬國下曰故郡南部都尉永初元年改爲屬國別領二城朱提漢陽是前漢都尉治漢陽後漢改爲屬國移治朱提仍以漢陽隸之故常志亦云朱提郡本犍爲南部建武後省爲屬國也但犍爲屬縣既有漢安犍爲屬國又有漢陽豈漢安非漢陽所改乎亦非也漢安卽今瀘州之江安縣出西郭十餘里卽與長甯交界其梅橋鎮又與興文中分興文長甯皆兼漢陽江陽地則江安西南境亦必兼有漢陽地



故名勝志並謂江安爲古漢陽然則東漢改漢陽爲漢安當是析漢陽西北境隸犍爲屬國析漢陽東南境爲漢安屬犍爲郡歟蓋江陽郡初治之漢安必從犍爲郡析出者也以此推之慶符當漢陽西北境亦宜有漢陽縣故址但未必爲前漢所置耳又班志考漢陽下曰山關谷漢水所出東至營入延常志漢陽縣下亦曰有漢水入延江縣之得名自以此水遵義鄭氏謂今黔西大定交永甯一帶皆漢陽舊境自黔西大定流入烏江之水惟渭河最大又於遵義界入

敘州府志

卷二

建置

土

慶符

烏江則今渭河卽漢水明矣然則漢陽舊境又兼永甯江安及貴州之黔西大定歟

石門鹽泉撫夷等縣

〔新唐書地理志〕貞觀八年

以石門朱提鹽泉置撫夷縣及開邊隸戎州又義賓下曰天寶元年更名又省撫夷縣入焉

按唐以石門朱提鹽泉置撫夷及開邊其疆域之分合交錯已不可考以大界測之其地皆在今宜賓西北及慶符東北境朱提必南齊時所置在宜賓境者其石門鹽泉皆在金沙江之南故爲慶符境



曲州 〔新唐書地理志〕開邊下自縣南七十里至  
曲州寰宇記曲州本在戎州西南九百里天寶中  
因雲南破移在開邊縣界去縣一百三十七里  
祥州來附縣 〔宋史地理志〕慶符下本敘州徼外  
地政和三年建為祥州置慶符來附二縣宣和三  
年州廢併來附入慶符縣〔方輿紀要〕來附縣今為  
來復鋪譌附為復也

### 富順縣

漢犍為江陽縣地後周武帝析置富世縣〔按寰宇記〕  
鹽井人獲厚利故曰富世

并置洛原郡隋開皇初郡廢以縣屬瀘

### 敘州府志

#### 卷二

建置

三

慶符富順

川郡唐屬瀘州貞觀二十三年改曰富義宋乾德四  
年升為富義監太平興國元年避諱改曰富順監屬  
潼川路治平初置富順縣屬焉熙甯初縣省嘉熙元  
年蜀亂監廢尋復置元至元十三年復置富順監安  
撫司二十年升為富順州屬敘州路明初降州為縣  
屬敘州府

### 皇朝因之

〔通志〕

### 來鳳縣

〔舊唐書地理志〕隋瀘川郡武德元年改

為瀘州領富世江安縣水合江來鳳和義七縣武

德九年省來鳳〔舊通志〕武德元年置屬瀘州九年



併入富世

南溪縣

漢楚道縣地梁分置南廣縣并置六同郡隋開皇初

郡廢仁壽初改曰南溪寰宇記在楚溪之南因為縣名屬犍為郡唐

初戎州治舊縣志古戎州在今縣西七十里即今之李莊驛是也貞觀中州移

治楚道長慶中復為州治會昌二年復移州還楚道

以縣屬焉乾符二年分置奮戎城宋乾德中移縣治

之寰宇記在州東一百二十里即今治或以奮戎城在府南又或以故縣治即漢之南廣縣皆誤屬

敘州元屬敘州路明屬敘州府

皇朝因之節通志及舊縣志

敘州府志 卷二

建置

古

南溪

南廣縣 隋書地理志南溪下梁置曰南廣及置

六同郡開皇初郡廢仁壽初縣改名焉舊唐書地

理志南溪漢南廣縣屬犍為郡後周於廢郡置南

武成隋改龍源成又置為南溪縣也寰宇記南溪

縣漢犍為郡南廣縣後廢為南武成隋仁壽二年

改為龍源成避諱改為南溪縣

按梁置南廣縣在今李莊驛不在漢縣界中唐

志謂隋改龍源成置南溪縣龍源成當即殷州

屬之龍原縣地理韻編云在今宜賓縣西北亦

非梁置南廣縣地然猶未逕指為漢南廣地也



白寰宇記誤合爲一遂混淆莫別南溪舊志辨之甚明今附錄於左

南溪舊志原按南溪爲棘道縣地至梁時始有南廣之名漢志所載南廣縣注云汾關山符黑水所出指今珙高筠三縣地與南溪無涉南廣之名同而有符黑水之南廣非南溪也自梁移南廣於棘道而後人遂以梁之南廣爲卽漢之南廣沿譌久矣不可不辨

### 長甯縣

漢犍爲郡漢陽江陽二縣地隋爲瀘州瀘川縣地唐

## 敘州府志

### 卷二

建置

### 五

南溪長甯

初置羈縻長甯清二州屬瀘州都督府五代時沒於蠻宋亦爲羈縻州熙甯八年夷人獻地置清井監仍屬瀘州政和四年建爲長甯軍屬潼川路元因之改屬馬湖路明洪武初降爲縣改屬敘州府

### 皇朝因之

節方輿紀要及通志

### 清州

一統志唐久視元年置羈縻清州以清井

爲名領新定清川固城居牢四縣屬瀘州都督府蜀王建置清井鎮宋初置監以收鹽利後沒於蠻熙甯八年夷人得箇祥獻長甯晏奉高薛鞏清思峩等十州地因復置清井監政和四年改建長甯



軍移置武甯宣和二年復還舊治後遂不改九域志清井監在瀘州西南二百六十里

長甯州 〔一統志〕唐初置羈縻長甯州領婆員波

居青盧龍門四縣宋初名婆娑砦熙甯六年改置

安夷砦大觀四年廢政和六年復置嘉定四年升

為安甯縣屬長甯軍元至元二十年省入長甯明

洪武四年復置七年併入

武甯縣 〔一統志〕宋熙甯七年置小溪口砦十年

改武甯砦元豐四年廢五年復置政和四年置武

甯縣為長甯軍治宣和二年廢縣為堡四年復為

敘州府志 卷二

建置

六

長甯高縣

砦南渡後屬安甯縣元廢

高縣

漢犍為郡南廣縣地唐置羈縻高州隸瀘州都督府

宋初因之熙甯後廢屬長甯軍元復為高州屬敘州

路明改州為縣屬敘州府

皇朝因之 通志

高州 〔新唐書地理志〕羈縻高州領縣三柯巴移

甫徙西隸瀘州都督府 〔元史地理志〕高州古夜郎

屬境鄰烏蠻與長甯軍相接均為西南羌族唐開

拓邊地於本部立高州宋設長甯軍十州族俱效



順至元十五年雲南行省遣官招諭內附十七年知州郭安復行州事蠻人散居村固無縣邑鄉鎮通志柯巴移甫徙西三縣宋熙甯六年省入高州宋水縣 [方輿紀要] 新唐書羈縻宋州領縣四柯龍柯支宋水盧吾也隸瀘州都督府宋因之今縣有宋水州縣蓋因以名

筠連縣

漢犍為南廣縣地唐置羈縻筠州連州屬戎州都督

府宋因之元改置筠連州

名勝記其地南通芒部西控烏蒙四山皆竹一色相

連故名

屬永甯路并置騰川縣為治明初廢縣入州又

敘州府志

卷二

建置

七

高縣筠連

改州為縣屬敘州府

皇朝因之

通志

筠州

[新唐書地理志] 羈縻筠州領縣八鹽水筠

山羅余臨居澄瀾臨崑唐川尋源隸戎州都督府

連州

[新唐書地理志] 羈縻連州領縣六當為都

甯羅遊羅龍加平清坎隸戎州都督府元省寰宇

記析筠州置

騰川縣

[方輿紀要] 唐為羈縻唐川縣屬筠州尋

廢元置騰川縣屬筠連州明初廢

定州

[新唐書地理志] 縣一支江扶德屬瀘州都



督府

按廢定州在筠連基址猶存通志載入珙縣誤  
珙縣

漢置南廣縣屬犍為郡後漢因之三國漢延熙中置  
南廣郡晉及宋齊因之後沒於蠻唐儀鳳二年開山  
洞置鞏州先天二年降為羈縻州天寶初改因忠郡  
乾元初復曰珙州屬瀘州都督府宋初因之熙甯後  
廢為長甯軍其後分姓他居有上下羅計之名元至  
元十三年歸附改置上下羅計長官司屬敘南宣撫  
司明玉珍復改珙州

敘州府志

卷二

六

珙縣

州為縣屬敘州府

皇朝因之

通志

南廣縣考

南廣縣漢武帝建元六年置屬犍為郡元光五  
年移犍為郡治此後徙犍道仍為屬縣常志南  
廣郡下曰蜀延熙中置南廣縣下曰郡治漢武  
帝太初元年置

水經注同

此必有誤蓋置郡自蜀漢

置縣自武帝故分注始置郡縣之年然不得謂

置縣在太初也考太初元年上距建元六年中

歷元光元朔元狩元鼎元封各六年共三十年



不應置縣反在置郡三十年後且常志犍爲郡  
下已云元光五年移治南廣矣豈此時猶未置  
縣乎此其誤不待辨也通志南廣廢縣下曰漢  
置縣屬犍爲郡華陽國志云太初元年置縣爲  
犍爲郡治孝昭元年郡移棘道此更舛誤蓋常  
志南廣縣下所謂郡治指南廣郡非犍爲郡也  
犍爲郡移治南廣在元光五年具有明文豈待  
太初時乎據通志以珙高筠三縣當故南廣地  
南廣廢縣又在珙縣西南是三縣俱在南廣縣  
東北境其不足以盡漢縣故域明矣按漢志犍  
爲郡南廣下汾關山符黑水所出珙縣志汾關  
山半爲滇之鎮雄地半爲川之永甯地今永甯  
西南與鎮雄接壤珙高筠三縣又皆與鎮雄接  
壤則鎮雄北境永甯東北境必當南廣故地故  
遵義鄭氏亦謂鎮雄威甯永甯皆南廣縣地也  
漢縣遼濶非後代州縣可比至梁代置南廣縣  
於棘道爲六同郡治隋改曰南溪在今南溪縣  
之李莊驛又與漢南廣縣無涉矣

鞏州

〔新唐書地理志〕鞏州因忠郡儀鳳二年開

山洞置縣五哆樓都檀波婆比求播郎隸瀘州都



督府

播郎州

〔新唐書地理志〕析鞏州置縣三播勝從

顏順化隸戎州都督府

薩州

〔新唐書地理志〕薩州黃池郡儀鳳二年招

生獠置縣二黃池播陵隸瀘州都督府〔方輿紀要〕

薩或作薛誤也

納州

〔新唐書地理志〕納州都甯郡儀鳳二年開

山洞置縣八羅維播羅施陽都甯羅當羅藍都〔關〕

胡茂名勝志上下羅計長官司即納州薩州之地

隸瀘州都督府

敘州府志

卷二

建置

三

珙縣興文

按珙縣南九十里有都甯驛即都甯縣故址

思峩州

〔新唐書地理志〕天授二年置縣二多溪

洛溪通志原按元志有豕蛾夷蓋思峩之譌思峩

州宋熙甯後廢屬長甯軍

扶德州

〔新唐書地理志〕縣三宋水扶德阿陰隸

戎州都督府

興文縣

漢犍爲郡漢陽縣地後沒於蠻獠唐儀鳳二年開山

洞置晏州先天二年降爲羈縻州天寶初改羅陽郡

乾元初復曰晏州屬瀘州都督府宋初因之熙甯後



廢屬長甯軍後爲大壩都掌蠻地元至元十七年立  
大壩都總管二十二年升爲戎州隸馬湖路明初降  
州爲戎縣萬曆二年改名興文縣名勝記取偃武興文之意屬敘  
州府

皇朝因之通志

建武城 通志漢犍爲郡漢陽江陽二縣地元爲

戎州地明爲山都掌蠻地萬曆元年置建武所直隸四川都司

皇朝康熙六年裁所以敘州府通判治之雍正六年移通判於屏山縣城廢

建置

敘州府志

卷二

三

興文

晏州 新唐書地理志晏州羅陽郡儀鳳二年招生獠置縣七思峩柯陰新賓扶來思晏哆剛羅陽隸瀘州都督府元史地理志戎州本夜郎國西南蠻種號大壩都掌分族十有九唐武后時於本部置晏州元至元十七年授以大壩都總管二十二年升爲戎州州治在箐前所領俱村圍無縣邑鄉鎮舊通志明初廢州爲縣萬曆四年巡撫曾省吾平都掌蠻奏改今名

思峩廢縣 縣志在縣東二十五里

思晏廢縣 方輿紀要在縣域或云今縣西南有



晏峯思晏縣舊置於山下

哆剛廢縣 方輿紀要在縣東南後為多剛寨為都掌蠻屯據處蓋以故縣名

悅州 新唐書地理志悅州縣六甘泉青賓臨川悅水夷鄰胡播隸戎州都督府

甘泉廢縣 方輿紀要在縣北

### 隆昌縣

漢犍為郡江陽縣地明隆慶元年割重慶府榮昌及

瀘州富順縣地置 按縣蓋因紀元取名也 屬敘州府

皇朝因之 通志

## 敘州府志

### 卷二

建置

### 三

隆昌屏山

舊通志明初置隆橋驛屬榮昌縣嘉靖四十五年改屬富順縣隆慶元年巡撫譚綸以驛界瀘州富順榮昌三境地屬曠野因奏割三州縣犬牙地置縣

按縣名有二說名勝志隆昌縣古昌州地隆慶改元置縣理隆橋驛因兼二義而取斯名方輿紀要引舊志云縣址故屬榮昌而為隆橋驛之地故以隆昌為名義略同

### 屏山縣

漢犍為犍道朱提二縣地唐為殷駟騁浪四州地總



名馬湖部屬戎州都督府宋時蠻主屯湖內元至元十三年內附置馬湖路明洪武四年改馬湖土府宏治九年始為馬湖府萬曆十七年始置屏山縣名勝記取城東寶屏山為名以山四面如屏障也為府治

皇朝雍正五年罷馬湖府以縣隸敘州府通志

朱提縣考

漢朱提縣以山得名明統志曰朱提山在敘州府西南五十里方輿紀要曰朱提廢縣在府西南宜賓舊志曰廢縣在朱提山下皆非也按南齊志有三朱提郡地理韻編於南朱提曰今宜

敘州府志 卷二 建置 屏山

賓縣境於東北兩朱提曰敘州府境方輿紀要及舊志所載廢縣必此時置者漢縣及故山必不如是之近也水經若水篇曰又東北至犍為朱提縣西為瀘江水注朱提山名也應劭曰在縣西南縣以氏焉犍為屬國也在郡南千八百里許建安二十一年立朱提郡郡治故城郡西南二百里得所縮堂琅縣有瀘津東去縣八十里水廣六七百步水之左右馬步之徑裁通而時有瘴氣三月四月經之必死故諸葛亮表言五月渡瀘也按乾隆府廳州縣志堂琅廢縣在東



川會澤縣境

通志會理州屬會理村土司東五十里即交會澤界

方輿紀

要會川衛有瀘津關衛西一百五十里即武侯渡瀘處會川衛漢越嚮郡之會無縣今爲會理州然則朱提故縣蓋在今會理州東北以地勢揣之當在苦竹壩者保土司界朱提山當在涼山夷界乾隆府廳州縣志涼山在西昌縣東綿亘數百里跨馬湖建昌界今爲諸蠻所居蓋朱提舊境本跨涼山自涼山之北與越嚮郡會無縣及堂琅縣接壤者爲漢縣故地自涼山之南與棘道縣接壤者爲今雷波馬邊屏山地水經

敘州府志

卷二

建置

五

屏山

注所謂去郡千八百里許者良不誣矣惟地雜夷獠叛服不常勢難遠馭故晉宋以後所置朱提郡縣自不能越涼山而北故治遂沒於夷亦勢所必然也又按漢越嚮屬縣多與朱提界交錯又有從朱提割出者蜀志載武侯南征自安上縣入越嚮常志謂安上去越嚮郡八百里吳白華南征故道考謂安上在今黃螂馬邊夷界蜀典據唐志武德元年置安上七年改朱提是安上即今屏山縣地後漢郡國志朱提下引南中志曰縣有大淵池水名千頃池即今馬湖在



雷波界蜀漢於此置馬湖縣屬越巂當未置縣時仍朱提地也或謂朱提一縣不應如是之濶則又不然蓋邊荒郡縣不可以中州例遵義府志稱牂柯十七縣兼雲貴大半省以朱提較之尙爲狹矣時代綿邈孰知涼山夷界之昔爲漢縣哉

### 殷駟浪騁四州考

按宋史地理志羈縻商州駟州浪川州騁州皆在馬湖江方輿紀要以四廢州繫馬湖府屏山縣蓋本宋志通志在唐爲殷駟浪騁四州地亦

## 敘州府志

### 卷二

建置

五

屏山

據馬湖府舊境言考屏山縣志馬湖府疆域東西廣一千三百一十里南北袤五百七十里

皇朝雍正七年改府爲縣割黃螂所屬地置雷波廳割馬湖江南之一百四十里屬昭通府乾隆二十九年改馬邊鎮爲廳割川秧蕎壩上溪下溪等鄉屬之今屏山縣東西距三百六十里南北距三百四十里可見今昔疆界廣狹迥殊唐代所置羈縻諸州豈能盡在屏山境內至殷州卽商州今爲商州汛地在宜賓西北原不盡屬屏山據寰宇記曰駟州在戎州西北一百三十三



里則馴州必在屏山東北境又云騁州在州西一千三十三里浪川州在州西一千三百四十三里以道里計之騁浪兩州當在馬雷及永善境蓋自罷府置縣以後往時在馬湖府者或已割入雲南往時在屏山境者今又割入馬雷也安上縣 蜀典蜀志張嶷傳郡自丞相亮討高定之後叟夷屢叛太守不敢之郡止住安上縣去郡八百餘里原按唐志武德元年置安上七年改爲朱提是安上卽今屏山縣地吳白華南征故道考華陽國志建興三年春亮南征自安上由水路入

敘州府志

卷二

建置

三

屏山馬邊

越巂五月渡瀘水征益州讀漢書郡國志越巂無安上縣而常氏言去郡八百里在潛溪馬湖二縣之間其地當在今黃螂馬邊及涼山夷界

按黃螂馬邊皆故馬湖府屏山縣地張氏吳氏兩說略同但馬湖舊城多沒於夷其廢縣故址已不可考矣

馬邊廳

漢爲朱提犍道地晉唐以來沒爲蠻元爲馬湖路明爲馬湖府地

皇朝爲馬邊營乾隆二十九年移新鎮通判駐此改廳屬



敘州府志通志

按馬邊在前明為賴因鄉夷地萬曆十七年賦乃蕩平改為新鎮鄉建新鎮城設安邊同知並設營伍

皇朝康熙初留馬邊營裁同知乾隆二十三年添設縣

丞隸屏山縣係宜賓縣丞二十九年以屏山縣大

竹堡迴龍堡煙峯等處荒地勘得新墾田地十萬

六千六百餘畝照例升科將駐劄富順管鹽井之

敘州府通判改移馬邊為理民督捕通判縣丞移富順仍

管鹽井嘉慶十三年夷人不靖戡定後將通判移設

敘州府志卷二

建置  
峩邊以保甯府鹽茶同知移設馬邊舊輯

雷波廳

古西南夷漢為朱提縣地原作越嶲郡地今正三國漢置馬湖

縣屬越嶲郡晉初省唐宋為馬湖蠻部元至元十三

年內附置雷波長官司隸馬湖路明洪武二十六年

省為雷波鄉屬屏山縣

皇朝康熙初歸附仍置長官司雍正六年以土官楊明義

擾邊勦平之改置雷波衛乾隆二十六年升為廳屬

敘州府志通志

按南中志朱提縣有大淵池水名千頃池蜀典謂



卽馬湖今在雷波廳境內是蜀漢馬湖縣卽從朱  
提縣割置者也蜀漢以前仍爲朱提縣地通志以  
爲越嶲郡地誤今更正

敘州府志

卷二

建置

三

雷波